

ЎС, МАХ БЕЛДЛГЪНӐ, ХУЛДДЖ АВЛГЪНА ЗУРА БОЛЗГАСН УРД КЎЦӐГДВ

Белорусск ССР-н селӑнӑ эдл-ахун кӧдлӑчнр ўс болн тос белддж, хулддж авлгъна негдгч кварталн государственн зурагъан болзгаснь урд кўцӑв. Нидн джилин ним цагинлӑ дўнъгцўлхд, государствд 23,3 минъгън тонн ўсн болн 5,3 минъгън тонн махн икӑр белдгддж, хулдгддж, орулдж ӧггдв. Эн джилин январь-февраль сармудин эргцд республикин колхозмудар болн совхозмудар гаргъсн цуг ўснӑ тонь, нидн джилин ним цагинӑр болхла, 68 процент ӧсв, мах гаргългън—57 процент, терўнӑ тоод, гахан мах гаргългън—67 процент ӧсв.

Украинӑ колхозникуд болн колхозниц, МТС-н болн совхозмудин кӧдлӑчнр мах болн ӧндг белддж, хулддж, авлгъна кварталн зурагъан болзгаснь урд кўцӑв. Нидн джилин ним цагин эргцд орулдж ӧгснӑс ода 11 минъгън, тонн махн икӑр государствд белддж, хулддж ӧггдв.

Краснодарск крайин селӑнӑ эдл-ахун кӧдлӑчнр 1957 джилин негдгч кварталд ўс белддж, хулддж авлгъна зурагъан болзгаснь урд кўцӑв. 70 минъгън тонн ўсн государствд белддж, хулддж ӧггдв.

(ТАСС).